



Universitätsbibliothek Paderborn

Opvs De Ivdiciis Divinis, Qvae Devs In Hoc Mvndo Exercet

Accessit index concionatorius in omnes totius anni dies Dominicos & Festos, ab ipso Auctore confectus

Stengel, Georg

Ingolstadii, 1651

2. Tulipæ ad solem se pandentis, cum homine læta dumtaxat captante co[m]paratio.

urn:nbn:de:hbz:466:1-45653

Iob. 2.10.**S. Augustin.
lib.4.de Ci-
uit.cap.33.****Amos. 3.****II.****Iob. 14.2.****Ps.102.15.****Psal.43.19.**

inter omnes Fortune casus, agnoscamus & veneremur, dicamusque, cum Iob: *Si bona suscepimus de manu Dei, mala quare non suscipiamus?* Vtraque enim ab illo. De bonis ait S. Augustinus: *Dens aeterna felicitatis author & dator, quia solus est verus Deus, ipse dat terrena & bonis & malis.* Neq; hoc temerè & quasi fortuitu, quia Deus est, non Fortuna: *sed pro rerum ordine ac tempore, occulto nobis, notissimo sibi: cui tamen ordini temporum non subditus seruit: sed eum ipse, tanquam Dominus regit, moderatōr, disponit.* De malis poenæ aut naturæ ait Amos: *Non est malum, in ciuitate, quod non fecit Dominus.* Cum itaque tam mala, ista, quam bona sint à Domino, meritò dicimus, in omni Casu aduerso: *Si bona suscepimus de manu Dei, mala quare non suscipiamus?* Dominus est, potest punire seruos; Pater est, potest filios castigare; Mundi Gubernator est, potest bona malis, & mala bonis temperare.

*Tulipam Dalmatæ ac Turcæ pileum vocant, seu amiculum capitum, quod gestare solent. Ab hac forma flori inditum est nomen, qui apertus inuersusque pilei illius effigiem refert. Hic flos visu iucundus, atque insigni colorum pulchritudine admirandus summo cauli insidet sursum spectans, sex foliolis saepe constans; interdum septem aut octo; in fundo, calathi, aut cyathi modo, se se pandit, è quo sena, aut totidem, quot sunt folia, stamina erumpunt; modo lutea, modo pallida, modo nigricantia; pediculis etiam, quæ stamina sustinent, mirum in modum colorem variantibus. Hunc talem florem alij aestimant si colore aurum; alij, si purpuram imitetur; alij, si interspersis, per certa interualla, masculis, velut gemmis varietur; mihi, præ omnibus, in eo, obseruatione dignum videtur, quod cognitione carens, tamen adeò accurate obseruet tempestatem. Nam, ad radios solares, se pandit, lucemque toto sinu admittit: ast, vbi radios vel nubes, vel pluiae occupant, illico clauditur, & se contrahens languescit, quasi principis sideris absentiâ tristaretur. Huic flori similes sunt mortales. Quippe homo, quasi flos egreditur nascens; crescens autem, tanquam flos agri, sic efflorebit; &c., sicut fenum dies eius morientis. Estque magna mortalium varietas. Alij auro nitent, alij purpura eminent. Sed in hoc tulipæ maximè æquiperantur; quod, cum dies purus est, & sol serenus lucet; cum omnia læta & fausta, cum quidquid optant, imperant; tum totos sinus pandunt, tum Deum salutant & laudent, iuxta illud: *confitebitur tibi, cum beneficeris ei.**

Et quis

Et quis hoc non faceret, cum etiam bestiæ beneficijs cicurentur? & canis eum sequatur, à quo panem accepit? Quod si verò *Fortuna* vultum auertat, si cælum nubibus obscuretur, si pluviæ, si nimbi cadant *Casuum aduersorum*; tum animum contrahunt, tū languescunt mente, tum manu cessant, & cum cælo ipso tristantur. Neque hoc satis est, sæpe etiam tonant, contra Tonantem; quod fecisse Pharaonem legimus, & complures. Alij non indignantur verbis, non erumpunt in execrationes & Diras; animo tamen, & vultu, *Fortuna* læuiente, sunt truculenti, ac, se sauciatos esse, profitentur.

Talis Tulipa, quæ sole, eiùsque radijs subductis, se se contraxit, fuit Dauid, qui ait: *Auertisti faciem tuam a me, & factus sum conturbatus.* Sed alibi se correxit dicens: *in flagella paratus sum.* Neque nominat flagella, sed quæcumque Deo visa fuerint, ad illa se animo paratum & vtroneam hostiam offert. Decebat enim vt, à quo acceperat sceptrum, eius non repudiaret flagrum. *Elegisse quidem lego,* ait S. Augustini magister, *S. Dauid flagelli genus, quod equanimiter sustineret.* Sed elegit, quia de tribus ei conditionibus eligende unius necessitas mandabatur. *Ubi autem non mandatur, ad omnia paratus est Dei seruulus, seu corporalem ægritudinem subeat, seu fungam a facie inimici, sive obitum filiorum, quos non timet premittere, quia potest recipere imperterritus.* Nam & sciens, quod, si hic fuerit punitus suppicio temporali, leuare in futurum perpetua possit pœnam ærumnae. Rogat ergo, vt recipiatur peccato sua, & castigetur ipse, vt recipiatur. Castigat enim Dominus omnem filium, quem recipit. Si seruulum tuum videas peccata propria confitentem ulro offerre se pœne, inflecteris, ignorabis, & de Domini miseratione diffidis? Non contraxit se ergo Dauid, sed sinus tunc omnes expandit ad flagella Dei, & ad fortunæ ictus excipiendo, vt castigatus ærumna temporali, æternam euaderet calamitatem.

Iob etiam ab iracunda vxore, tanquam à Furiarum aliqua, vt se contraheret, & tanquam miserum tragicè ludentis Fortunæ mancipium, in cælum fureret, non passus est, se loco moueri, sed perstittit, vt columna: cùmque & illa persisteret in eo incitando, diceréque: *Adhuc tu permanes in simplicitate tua? benedic Deo, & morere:* respondit: *Quasi una de stultis mulieribus locuta es. Si bona suscepimus de manu Dei, mala quare non suscipiamus?* In omnibus his, non peccauit Iob labrys suis. Quare? quia vidit, mala se sua de manu

III.

Psal. 29. 8.

Psal. 37.

S. Ambros.

tra&. in Psal.

37.

IV.

Iob. 2. 9.

Oo Dei